

無位真人體若虛物來不已應斯須舒開寶藏乾坤窄放出圓
光日月俱巨細洪纖同蘊此有無高厚莫非吾茫茫沙界彌羅
極頃刻收來黍米珠

忘外

具足莊嚴古道場活人芝草返魂香全提法界藏真境未放吾
宗出葆光堯是桀非俱莫辨鶴長鳧短兩相忘太平無象家家
遇拂袖歸來入醉鄉

脫殼

夢中了了醉中醒表裏仍存一味清事事拂餘真理足塵塵滌
盡法身輕破瓢度日饑方覓營窟居冬暖後行不在世間囿續

道藏輯要

雲山集

六

易集六
川。川

裏自由閒散過平生

塵累

萬塵堆裏喜擎擔衣要尖新食要甘費用關心深計度向求如
意引貪婪名纏自作投籠鳥利縛尋爲作蠶蠶分外閒愁認爲
樂騰騰不覺一生癥

疑網

明知萬法本因心何更將心向外尋自有丹砂求自得誰爲猿
馬使誰擒神頭鬼面須臾革恠迹狂蹤倏忽沉大冶洪鑪未經
煅揚灰終不見黃金

尋山